



11

7保士  
5983  
10-5



門7係4  
號 5983  
卷 10-5

西漢會要卷二十九

宋 徐 天

鹿 洪

祥瑞上

祥瑞

高祖被酒夜徑澤中令一人行前行前者還報曰前  
有大蛇當徑願還高祖醉曰壯士行何畏乃前拔劍  
斬蛇蛇分爲兩道開行數里醉因卧後人來至蛇所  
有一老嫗夜哭人問嫗何哭嫗曰人殺吾子人曰嫗  
子何爲見殺嫗曰吾子白帝子也化爲蛇當道今者  
赤帝子斬之故哭人乃以嫗爲不誠欲苦之嫗因忽

西漢會要卷二十九

十一



不見本紀

秦始皇帝嘗曰東南有天子氣於是東遊以馱當之高祖隱於芒碭山澤間呂后與人俱求常得之高祖怪問之呂后曰季所居上常有雲氣故從往常得季

本紀

漢元年冬十月五星聚於東井本紀應劭曰東井秦之分野五星所在其

下當有聖人以義取天下

文帝十五年黃龍見於成紀本紀

武帝元狩元年行幸雍祠五時獲白麟作白麟之歌

三年夏馬生余吾水中南越獻馴象正言鳥

元鼎元年得鼎汾水上

四年得寶鼎后土祠旁秋馬生渥洼水中作寶鼎天

馬之歌

元封二年甘泉宮內中產芝九莖連葉作芝房之歌

太始二年詔曰往者朕郊見上帝西登隴首獲白麟

以饋宗廟渥洼水出天馬泰山見黃金宜改故名今

更黃金為麟趾裏蹠以協瑞焉因以頒賜諸侯王

三年行幸東海獲赤雁作朱雁之歌

昭帝始元元年二月黃鵠下建章宮太液池中公卿

上壽

三年鳳凰集東海遣使者祠其處

宣帝本始元年鳳凰集膠東千乘

四年鳳凰集北海安邱涑于

地節二年四月鳳凰集魯郡羣鳥從之

元康元年詔曰乃者鳳凰集泰山陳留甘露降未央宮朕未能章先帝休烈協寧百姓承天順地調序四時獲蒙嘉瑞賜茲祉福夙夜兢兢靡有驕色內省匪解永惟罔極書不云乎鳳凰來儀庶尹允諧其赦天下徒賜勤事吏中二千石以下至六百石爵自中郎更至五大夫佐史以上二級民一級天子百戶牛酒

加賜鰥寡孤獨三老孝弟力田帛所

食勿收

三年春以神爵數集泰山賜諸侯丞相將軍列侯

二千石金郎從官帛各有差賜天下吏爵二級民一

級女子百戶牛酒鰥寡孤獨高年帛

六月詔曰前年夏神爵集雍今春五色鳥以萬數飛過屬縣翱翔而舞欲集未下其令三輔毋得以春夏摘巢探卵彈射飛鳥具爲令

四年三月詔曰乃者神爵五采以萬數集長樂未央北宮高寢甘泉泰畤殿中及上林苑朕之不逮寡於德厚屢獲嘉祥非朕之任其賜天下吏爵二級民一

級女子百戶牛酒加賜三老孝弟力田帛人二匹鰥  
寡孤獨各一匹

神爵元年詔曰朕承宗廟戰戰栗栗惟萬事統未燭  
厥理乃元康四年嘉穀元稷降於郡國神爵仍集金  
芝九莖產於涵德殿銅池中九真獻奇獸南郡獲白  
虎威鳳爲寶朕之不明震於珍物飭躬齋精祈爲百  
姓東濟大河天氣清靜神魚舞河幸萬歲宮神爵翔  
集朕之不德懼不能任其以五年爲神爵元年賜天  
下勤事吏爵二級民一級女子百戶牛酒鰥寡孤獨  
高年帛所振貸物勿收行所過毋出

二年二月詔曰延者正月乙丑鳳凰

集京師

羣鳥從以萬數朕之不德屢獲天福祇事不怠其赦  
天下四年二月詔曰乃者鳳凰甘露降集京師嘉瑞  
並見修興太一五帝后土之祠祈爲百姓蒙祉福鸞  
鳳萬舉蜚覽翱翔集止於苑齋戒之暮神光顯著薦  
鬯之夕神光交錯或降於天或登於地或從四方來  
集於壇上帝嘉嚮海內承福其赦天下賜民爵一級  
女子百戶牛酒鰥寡孤獨高年帛

冬十月鳳凰十一集杜陵十二月鳳凰集上林

五鳳三年詔曰朕飭躬齋戒郊上帝祠后土神光並

見或興於谷燭耀齋宮十有餘刻甘露降神爵集己  
詔有司告祠上帝宗廟三月辛丑鸞鳳又集長樂宮  
東闕中樹上飛下止地文章五色留十餘刻吏民並  
觀朕之不敏懼不能任屢蒙嘉瑞獲茲祉福書不云  
乎雖休勿休祇事不怠公卿大夫其勗焉減天下口  
錢赦殊死以下賜民爵一級女子百戶牛酒大酺五  
日加賜鰥寡孤獨高年帛  
甘露元年黃龍見新豐

二年詔曰乃者鳳凰甘露降集黃龍登輿醴泉滂流  
枯槁榮茂神光並見咸受禎祥其於天下減民算三

十賜諸侯王丞相將軍列侯中二千石金錢各有差

賜民爵一級女子百戶牛酒鰥寡孤獨高年帛

三年詔曰乃者鳳凰集新蔡羣鳥四面行列皆鄉鳳  
凰立以萬數其賜汝南太守帛百匹新蔡長吏三老  
孝弟力田鰥寡孤獨各有差賜民爵二級毋出今年  
租

成帝鴻嘉元年冬黃龍見真定

元延四年甘露降京師賜長安民牛酒

平帝元始元年越裳氏重譯獻白雉一黑雉二

二年春黃支國獻犀牛

並本紀

日食

高帝三年十月甲戌晦日有食之在斗二十度  
十一月癸卯晦日有食之在虛三度

九年六月乙未晦日有食之既在張十三度

惠帝七年正月辛丑朔日有食之在危十三度

五月丁卯先晦一日日有食之幾盡在七星

高后二年六月丙戌晦日有食之

七年正月己丑晦日有食之既在營室九度

文年二年十一月癸卯晦日有食之在婺女一度

三年十月丁酉晦日有食之在斗二十三度

十一月丁卯晦日有食之在虛八度

後四年四月丙辰晦日有食之在東井十三度

七年正月辛未朔日有食之

景帝三年二月壬午晦日有食之在胃二度

七年十一月庚寅晦日有食之在虛九度

中元年十二月甲寅晦日有食之

二年九月甲戌晦日有食之

三年九月戊戌晦日有食之幾盡在尾九度

六年七月辛亥晦日有食之在軫七度

後元年七月乙巳先晦一日日有食之在翼十七度

武帝建元二年二月丙戌朔日有食之在奎十四度  
三年九月丙子晦日有食之在尾二度

五年正月己巳朔日有食之

元光元年二月丙辰晦日有食之

七月癸未先晦一日日有食之在翼八度

元朔二年二月乙巳晦日有食之在胃三度

六年十一月癸丑晦日有食之

元狩元年五月乙巳晦日有食之在柳六度

元鼎五年四月丁丑晦日有食之在東井二十三度

元封四年六月己酉朔日有食之

太始元年正月乙巳晦日有食之

四年十月甲寅晦日有食之在斗十九度

征和四年八月辛酉晦日有食之不盡如鉤在亢二度

昭帝始元三年十一月壬辰朔日有食之在斗九度

元鳳元年七月己亥晦日有食之幾盡在張十二度

宣帝地節元年十二月癸亥晦日有食之在營室十五度

五鳳元年十二月乙酉朔日有食之在婺女十度

四年四月辛丑朔日有食之在畢十九度



元帝永光二年三月壬戌朔日有食之在婁八度

四年六月戊寅晦日有食之在張七度

建昭五年六月壬申晦日有食之不盡如鉤因入

成帝建始三年十二月戊申朔日有食之在婺女九度

河平元年四月己亥晦日有食之不盡如鉤在東井六度

三年八月乙卯晦日有食之在房

四年三月癸丑朔日有食之在昴

陽朔元年二月丁未晦日有食之在胃

永始元年九月丁巳晦日有食之

二年二月乙酉晦日有食之

三年正月己卯晦日有食之

四年七月辛未晦日有食之

元延元年正月己亥朔日有食之

哀帝元壽元年正月辛丑朔日有食之不盡如鉤在營室十度

二年三月壬辰晦日有食之

平帝元始元年五月丁丑朔日有食之在東井

二年九月戊申晦日有食之既

西漢會要卷二十九  
凡漢著紀十二世二百一十二年日食五十三朔

十四晦三十六先晦一日三並五行志

日月變異

武帝建元二年四月戊申有如日夜出紀本

元帝永光元年四月日色青白亡景正中時有景亡

光是夏寒至九月日乃有光

成帝建始元年八月戊午晨漏未盡三刻有兩月重

見

河平元年正月壬寅朔日月俱在營室時日出赤二

月癸未日朝赤且入又赤夜月赤甲申日出赤如血

亡光漏上四刻半乃頗有光燭地赤黃食後乃復三

月乙未日出黃有黑氣大如錢居日中央並五行志

星孛天文志所載已見天文類  
五行志所或別見於此

高帝三年七月有星孛于大角旬餘乃入

文帝後七年九月有星孛于西方其本直尾箕末指

虛危長丈餘及天漢十六日不見

武帝建元六年六月有星孛于北方

八月長星出于東方長終天三十日去是為蚩尤旗

見則王者征伐四方

元狩四年四月長星又出西北

元封元年五月有星孛于東井又孛于三台

宣帝地節元年正月有星孛于西方去太白二丈所  
成帝建始元年正月有星孛于營室青白色長六七  
丈廣尺餘

元延元年七月辛未有星孛于東井踐五諸侯出河  
戌北率行軒轅太微後日六度有餘晨出東方十三  
日夕見西方犯次妃長秋斗填蝨炎再貫紫宮中大  
火當後達天河除于妃后之域南逝度犯大角攝提  
至天市而按節徐行炎入市中旬而後西去五十六  
日與蒼龍俱伏

並五行志

星隕

成帝永始二年二月癸未夜過中星隕如雨長一二  
丈繹繹未至地滅至雞鳴止

五行志

亡冰

武帝元狩六年冬亡冰

昭帝始元二年冬亡冰

並五行志  
紀作六年

雪

文帝四年六月大雨雪

景帝中六年三月雨雪

武帝元狩元年十二月大雨雪民多凍死

元鼎二年三月雪平地厚五尺

三年三月水冰四月雨雪

元帝建昭二年十一月齊楚地大雪深五尺

四年三月雨雪燕多死

並五行志

成帝建始四年夏四月雨雪

本紀

陽朔四年四月雨雪燕雀死

五行志

### 霜雹

武帝元光四年四月隕霜殺草木

元封三年十二月雷雨雹大如馬頭

宣帝地節四年五月山陽濟陰兩雹如雞子深二尺

五寸殺二十人蜚鳥皆死

元帝永光元年三月隕霜殺桑九月二日隕霜殺稼

成帝河平二年四月楚國兩雹大如斧蜚鳥死

並五行志

### 總天變

惠帝二年天雨血於宜陽一頃所

五行志赤眚

武帝建元四年有風赤如血

本紀

元光五年七月大風拔木

本紀

天漢元年三月天雨白毛三月八月天雨白鼈

毛之疆屈

曲者

成帝建始元年四月辛丑夜西北有如火光壬寅晨

大風從西北起雲氣赤黃四塞天下終日夜下著地者黃土塵也

本五行志

十二月大風拔甘泉時中大木十章以上

成紀章與圍同

哀帝建平四年山陽湖陵雨血廣三尺長五尺大者

如錢小者如麻子

五行志

平帝元始四年冬大風吹長安城門東屋瓦且盡

本紀

西漢會要卷二十九

西漢會要卷二十九

宋 徐 天 麟 撰

祥異下

地震

惠帝二年正月地震隴西厭四百餘家

厭一甲反下同

高后二年正月武都山崩地震至八月迺止

武帝征和二年八月癸亥地震厭殺人

宣帝本始四年四月壬寅地震河南以東四十九郡

北海瑯琊壞祖宗廟城郭殺六千餘人

元帝永光三年冬地震

並五行志

成帝建始三年十二月戊申其夜未央殿中地震紀本

河平三年二月犍為地震積二十一日百二十四動

綏和二年九月丙辰地震自京師至北邊郡國三十

餘壞城郭凡殺四百一十五人並五行志

山崩

高后二年正月武都山崩殺七百六十人

文帝元年四月齊楚地山二十九所同日俱大發水

潰出並五行志

成帝建始三年越嶲山崩本紀

河平三年二月丙戌犍為柏江山崩捐江山崩皆靡

江水江水逆流壞城殺十三人

元延三年正月丙寅蜀郡岷山崩靡江江水逆流三

日迺通並五行志

石鳴

成帝鴻嘉三年乙亥大水冀南山石鳴聲隆隆如雷

有頃止聞平襄二百四十里壑雞皆鳴石長丈三尺

廣厚略等旁著岸脅去地二百餘丈民俗名曰石鼓

石鼓鳴有兵五行志

石立

孝昭元鳳三年正月泰山萊蕪山南匈匈有數千人

聲民視之有大石自立高丈五尺大四十八圍入地深八尺爲足石立處有白鳥數千集其旁

五行志

隕石

惠帝三年隕石綿諸壹

武帝征和四年二月丁酉隕石雍二天晏亡雲聲聞四百里

元帝建昭元年正月戊辰隕石梁國六

成帝建始四年正月癸卯隕石橐四肥累一

陽朔三年二月壬戌隕石白馬八

鴻嘉二年五月癸未隕石杜衍三

元延四年三月隕石都關三

哀帝建平元年正月丁未隕石北地十其九月甲辰

隕石虞二

平帝元始二年六月隕石鉅鹿二

自惠盡平隕石凡十一皆有光耀雷聲成哀尤屢

並五

志行

火災

鐵飛附

高后元年五月丙申趙叢臺災

惠帝四年十月乙亥未央宮凌室災丙子織室災

文帝七年六月癸酉未央宮東闕眾屋災

景帝中五年八月己酉未央宮東闕災

武帝建元六年六月丁酉遼東高廟災四月壬子高園便殿火

太初元年十一月乙酉未央宮柏梁臺災

昭帝元鳳元年燕城南門災

四年五月丁丑孝文廟正殿災

宣帝甘露元年四月丙申中山太上皇廟災甲辰孝文廟災

元帝初元三年四月乙未孝武園白鶴館災

永光四年六月甲戌孝宣杜陵園東闕南方災

成帝建始元年正月乙丑皇考廟災

鴻嘉三年八月乙卯孝景廟北闕災

永始元年正月癸丑大官凌室災戊午戾后園南闕災

四年四月癸未長樂宮臨華殿及未央宮東司馬門災

六月甲午孝文霸陵園東闕南方災

哀帝建平三年正月癸卯桂宮鴻寧殿災

平帝元始五年七月己亥高皇帝原廟殿門災盡

武帝征和二年春涿郡鐵官鑄鐵鐵銷皆飛上去



成帝河平二年正月沛郡鐵官鑄鐵不下隆隆如雷聲又如鼓音工十三人驚走音止還視地地陷數尺鑪分爲十一鑪中銷鐵散如流星皆上去

並五行志

旱

惠帝五年夏大旱江河水少谿谷絕

文帝三年秋天天下旱

後六年春天天下大旱

景帝中三年秋大旱

武帝元光六年夏大旱

元朔五年春大旱

元狩三年夏大旱

天漢元年夏大旱

三年夏大旱

征和元年夏大旱

昭帝始元六年大旱

宣帝本始三年夏大旱東西數千里

神爵元年秋大旱

成帝永始三年四年夏大旱

並五行志

蝗螟

景帝中三年秋蝗

武帝元光五年秋螟

六年夏蝗

元鼎五年秋蝗

元封六年秋蝗

太初元年夏蝗從東方飛至敦煌

三年秋復蝗

征和三年秋蝗

四年夏蝗

平帝元始二年秋蝗徧天下

並五行志

人妖

哀帝建平中豫章有男子化爲女子嫁爲人婦生子

建平四年四月山陽方與女子田無嗇生子先未生

二月兒唬腹中及生不舉葬之陌上三日人過聞唬

聲母掘收養

平帝元始元年二月朔方廣牧女子趙春病死斂棺

積六日出在棺外自言見夫死父曰年二十七不當

死六月長安女子有生兒兩頭異頸面相鄉四臂共

胸俱前鄉尻上有目長二寸所

景帝二年九月膠東下密人年七十餘生角角有毛

成帝建始三年十月丁未京師相驚言大水至渭水  
虎上小女陳持弓年九歲走入橫城門入未央宮尙  
方掖門殿門門衛戶者莫見至句盾禁中而覺得  
綏和二年八月庚申鄭通里男子王褒衣絳衣小冠  
帶劍入北司馬門殿東門上前殿入非常室中解帷  
組結佩之招前殿署長業等曰天帝令我居此業等  
收縛考問褒故公車大誰卒病狂易不自知入宮狀  
下獄死

哀帝建平四年正月民驚走持橐或擲一枚傳相付  
與曰行詔籌道中相過逢多至千數或被髮徒踐或  
夜折關或踰牆入或乘車騎奔馳以置驛傳行經歷  
郡國二十六至京師其夏京師郡國民聚會里巷阡  
陌設祭張博具歌舞祠西王母又傳書曰母告百姓  
佩此書者不死不信我言視門樞下當有白髮至秋

止

並五行志

鳥獸之妖

附魚蛙

宣帝黃龍元年未央殿輅軫中雌雞化爲雄毛衣變  
化而不鳴不將無距

雞禍

元帝初元中丞相府史家雌雞伏子漸化爲雄冠距  
鳴將

永光中有獻雄雞生角者

景帝三年十一月有白頸烏與黑烏羣鬪楚國呂縣白頸不勝墮泗水中死者數千

白黑祥

昭帝元鳳元年有烏與鵲鬪燕王宮中池上烏墮池

死

黑祥

昭帝時有鵲鵠或曰禿鶯集昌邑王殿下王使人射

殺之

青祥

成帝河平元年二月庚子泰山山桑谷有戴焚其巢

巢難盡墮池中有三戴殼燒死

黑祥

鴻嘉二年三月博士行大射禮有飛雉集于庭歷階

登堂而鵠後雉又集太常宗正丞相御史大夫大司馬車騎將軍之府又集未央宮承明殿屋上

綏和二年三月天水平襄有燕生爵哺食至大俱飛

去

景帝中六年梁孝王田北山有獻牛足上出背上

昭帝元鳳元年燕王宮永巷中豕出園壞都鼂銜其

脯六七枚置殿前

昭帝元鳳元年九月燕有黃鼠銜其尾舞王宮端門

中王往視之鼠舞如故王使吏以酒脯祠鼠舞不休

一日一夜死

黃祥

成帝建始四年九月長安城南有鼠銜黃蒿栢葉止民冢柏及榆樹上為巢桐柏尤多巢中無子皆有乾鼠矢數十

昭帝時昌邑王賀聞人聲曰熊視而見大熊左右莫見

高后八年三月祓霸王還過枳道見物如倉狗穢高后掖忽而不見犬禍

文帝後五年齊雍城門外有狗生角即會至大角派景帝三年二月邯鄲狗與彘交

成帝河平元年長安男子石良劉音相與同居有如人狀在其室中擊之為狗走出去後有數人被甲持兵弩至良家良等格擊或死或傷皆狗也自二月至六月乃止鴻嘉中狗與彘交

成帝綏和二年二月大廐馬生角在左耳前圍長各二寸

哀帝建平二年定襄牡馬生駒三足隨羣飲食

惠帝二年正月癸酉旦有兩龍見於蘭陵廷東里温陵井中至乙亥夜去

武帝元鼎五年蛙與蝦蟆羣鬪

太始四年七月趙有蛇從郭外入與邑中蛇鬪孝文

西漢會要卷三十一  
九  
廟下邑中蛇死

蛇

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀成建平三年東萊平度出大魚長八丈高丈一尺

七枚皆死

並五行志

草木之妖

惠帝五年十月桃李華棗實

五行志

文帝六年冬十月桃李華

紀本

昭帝時上林苑中大柳斷仆地一朝起立生枝葉有蟲食其葉成文字曰公孫病已立又昌邑王國社有

枯樹復生枝葉睡孟以為當有故廢之家公孫氏從

民間受命為天子者

元帝初元四年皇后曾祖父濟南東平陵王伯墓門

梓柱卒生枝葉上出屋

建昭五年兗州刺史浩賞禁民私所自立社山陽橐

茅鄉社有大槐樹吏伐斷之其夜樹復立其故處

並五行志

成帝建始四年秋桃李實

紀本

永始元年二月河南街郵檮樹生支如人頭眉目鬚

皆具亡髮耳

哀帝建平三年十月汝南西平遂陽鄉柱仆地生支  
如人形身青黃色面白頭有髭髮稍長大凡長六寸  
一分

建平三年零陵有樹僵地圍丈六尺長十丈七尺民  
斷其本長九尺餘皆枯三日樹卒自立故處

元帝永光二年天雨草而葉相膠結大如彈丸

平帝元始三年正月天雨草狀如永光時並五行志

雜變異

景帝三年十二月吳二城門自傾大船自覆

宣帝時大司馬霍禹所居第門自壞

成帝元延元年正月長安章城門門牡自亡函谷關

次門牡亦自亡

哀帝時大司馬董賢第門自壞

哀帝建平二年四月乙亥朔御史大夫朱博為丞相

少府趙元為御史大夫臨延登受策有大聲如鐘鳴

殿中郎吏陞者皆聞焉並五行志

元壽元年九月孝元廟殿門銅龜蛇鋪首鳴本紀

平帝元始元年二月乙未義陵寢神衣在柙中丙申

旦衣在外牀上寢令以急變聞用太牢祠本紀

占驗

漢興承秦滅學之後景武之世董仲舒治公羊春秋始推陰陽為儒者宗宣元之後劉向治穀梁春秋數其禍福傳以洪範與仲舒錯至向子歆治左氏傳其春秋意亦已乖矣言五行傳又頗不同是以檻仲舒別向歆傳載眭孟夏侯勝京房谷永李尋之徒所陳行事訖于王莽舉十二世以傳春秋著于篇文具五行志此

不詳載

漢興推陰陽言災異者孝武時有董仲舒夏侯始昌昭宣則眭孟夏侯勝元成則京房翼奉劉向谷永哀平則李尋田終術此其納說時君著明者也察其所

言彷彿一端假經設誼依託象類或不免乎億則屢

中仲舒下吏夏侯囚執眭孟誅戮李尋流放此學者

之大戒京房區區不量淺深危言刺譏構怨彊臣罪

辜不旋踵亦不密以失身悲夫

李尋贊

金度玉衡漢五星客流出入八篇

藝文志下同

漢五星彗客行事占驗八卷

漢日旁氣行事占驗三卷

漢流星行事占驗八卷

漢日旁氣行占驗十三卷

漢日食月暈雜變行事占驗十三卷



西漢會要卷三十

西漢會要卷三十一

宋 徐 天 麟 撰

職官一

上公

四輔師友附

太師

徐天麟按沈約宋書云漢制保傅在三公上號曰上公

太師古官平帝元始元年初置位在太傅上

百官表下同

太傅

太傅古官高后元年初置金印紫綬後省八年復置後省哀帝元壽二年復置位在三公上

太保

太保古官平帝元始元年初置位次太傅

四輔

平帝元始元年授四輔之職

王莽傳張晏曰莽為太傅孔光為太師王舜為

太保甄豐為少傅是為四輔

師友

成帝時張禹以特進為天子師

本傳

平帝即位年幼選置師友大司徒孔光以明經高行

為孔氏師京兆尹金欽以家世忠孝為金氏友

金日磾傳

三公

丞相

相國丞相皆秦官金印紫綬掌丞天子助理萬機秦

有左右高帝即位置一丞相十一年更名相國綠綬

按表下卷九年蕭何已遷相國此云十一年當考

孝惠高后置左右丞相文

帝二年復置一丞相有兩長史秩千石哀帝元壽二

年更名大司徒武帝元狩五年初置司直秩比二千

石掌佐丞相舉不法

百官表上徐天麟按司馬遷將相表孝景元年置司徒官本表

不載姑俟詳考

丞相徵事

功臣表任官以故丞相徵事手捕反者漢儀注徵事比六百石

丞相史

尹咸孫禁漢舊儀注秩四百石見滿廬志

丞相少史

王山壽王禁漢儀注武帝又置丞相少史秩四百石

東曹掾

嚴延年父為東曹掾云倣為大司徒掾

西曹掾

蕭由為丞相西曹掾丙吉傳西曹主吏

集曹掾

匡衡補陸賜集曹掾

奏曹

匡衡傳主簿陸賜故居奏曹

議曹

李尋見翟方進傳

主簿

匡衡傳主簿陸賜

大車屬

鄭崇為丞相大車屬

丞相屬

地理志朱贛

侍曹

陳遵傳

從史

匡衡遣從史之僅取田租

掾史

掾方進傳丞相宣帝戒掾史謹事徐天麟按掾史者屬官之總稱也漢儀注東西曹

曰掾副

曰屬方進傳又云闔府三百餘人掾比四百石餘掾比三百石屬比二百石正

宰士

翟方進傳師古曰謂丞相掾史為宰士者言其宰相之屬官而位為士臣

計相

張蒼為計相一月更以列侯為主計四歲蕭何為相合蒼以列侯居相府領鄰國上

計者

太尉

太尉秦官金印紫綬掌武事

百官表爰盎傳云太尉本兵柄

高帝二年太尉長安侯盧縮五年罷太尉官十一年

周勃為太尉攻伐後官省

司馬遷將相表

惠帝六年置太尉官以後為太尉

本傳徐天麟按漢書及史記世家皆

云六年而功臣表云高后四年為太尉及將相表云高后四年置太尉官絳侯為太尉世家及兩表其文自相牴牾今止從世家

孝文三年罷太尉官屬丞相本紀

孝景二年置太尉官司馬遷將相表及漢書周亞夫傳

七年罷太尉官本紀

孝武建元元年置太尉二年罷太尉官史記將相表

元狩四年初置大司馬以冠將軍之號師古曰冠者加於其上共

為一官也

宣帝地節三年置大司馬不冠將軍亦無印綬官屬成帝綏和元年初賜大司馬金印紫綬置官屬祿比

丞相去將軍哀帝建平二年復去大司馬印綬官屬

冠將軍如故元壽二年復賜大司馬印綬置官屬去

將軍位在司徒上有長史秩千石並百官表

大司馬司直平帝召金欽為大司馬司直漢舊儀云武帝元狩五年初置

大司馬史溝洫志張戎

功曹大將軍王鳳除蕭育功曹

西曹掾樓護傳

大司馬掾平紀

議曹史大司馬史高辟匡衡為議曹史

門下史大司馬車騎將軍召揚雄以為門下史

主簿 大司馬商除杜鄴主簿

御史大夫

御史大夫秦官位上卿 茂陵書御史大夫秩中二千石 銀印青綬掌

副丞相有兩丞秩千石一曰中丞在殿中蘭臺掌圖

籍祕書外督部刺史內領侍御史員十五人受公卿

奏事舉劾按章成帝綏和元年更名大司空金印紫

綬祿比丞相置長史如中丞官職如故哀帝建平二

年復為御史大夫元壽二年復為大司空御史中丞

更名御史長史侍御史有繡衣直指 服虔曰指事而行無阿私也師

古曰衣以繡者尊寵之也 出討姦猾治大獄武帝所制不常置 百

御史中執法 高紀晉灼曰中執法中丞也

御史中丞從事 于定國與御史中丞從事治反者獄

符璽御史 周昌傳趙堯為符璽御史 御史治書尚符璽者有

印綬 百官表

治書御史 見上

監軍御史 胡建傳

御史大夫掾 何並大司空掾嚴延年為御史掾

西曹掾 大司空何武除鮑宣為西曹掾

主簿 御史大夫張忠命孫寶主簿曰西府高士俗不為主簿

少史蕭望之使少史冠法冠為妻

御史屬御史大夫除谷永補屬史

柱下令高帝五年王恬啓為柱下令又張蒼為

儀云侍御史即柱下史故附于此

九卿列卿附

正卿九劉熙釋云漢置十二卿一曰太常二

曰太僕三曰衛尉四曰光祿勳五曰

宗正六曰執金吾七曰大司農八曰少府九

曰大鴻臚十曰廷尉十一曰大長秋十二曰

將作大匠韋昭辨云漢正卿九一曰太常二

曰光祿三曰衛尉四曰太僕五曰廷尉六曰

鴻臚七曰宗正八曰司農九曰少府是為九

卿執金吾本故中尉掌徼巡宮外司執姦邪

至武帝更執金吾為外卿不在九列大

匠次金吾長秋自皇后官非天子卿員

太常博士

奉常秦官掌宗廟禮儀有丞景帝中六年更名太常

師古曰太常王者旌旗也王有大事則建以行禮官

主奉持之故曰奉常也後改曰太常尊大之義也

屬官有太樂太祝太宰太史太卜太醫六令丞又均

官都水兩長丞又諸廟寢園食官令長丞又離太宰

太祝令丞如清曰五時在離故五時各一尉又博士

及諸陵縣皆屬焉景帝中六年更名大祝為祠祀武

帝太初元年更曰廟祀初置太卜元帝永光元年分

諸陵邑屬三輔王莽改太常曰秩宗百官表

太常掾朱博

太常掌故

鼂

太史掌故

儒林傳房鳳

史書令史

藝文志

待詔

律志待詔李信治黃帝調歷

大典星

律志上射姓等

治歷

律志鄧平

望氣

李廣傳望氣王朔

望氣佐

郊祀志武帝遣望氣佐候蓬萊

高廟僕射

王莽傳上哀章持金匱至高廟以付僕射

廟郎

百官表江德坐廟郎夜失火免

寢郎

馬參

園郎

班穉又金傲傳云故事近臣皆隨寢為園郎

禮官大夫

儒林傳徐生以頌為禮官大夫

曲臺署長

孟喜

寫書官

藝文志武帝置寫書之官當屬太史故附于此

博士

博士秦官掌通古今秩比六百石員多至數十人武

帝建元五年初置五經博士宣帝黃龍元年稍增員

十二人

百官表

楊何易

歐陽書

后蒼禮

公羊春秋以上武帝立 施孟易 梁邱易

大小夏侯尚書 穀梁春秋 大小戴禮以上宣帝立

京氏易元帝立 左氏春秋 古文尚書

毛詩 逸禮以上平帝立

博士弟子五十人儒林傳武帝置

歌吹諸生儒林傳

光祿勳大夫郎謁者期門羽林僕射

郎中令秦官掌宮殿掖門戶有丞武帝太初元年更

名光祿勳應劭曰光者明也祿者爵也勳功也屬官有大夫郎謁者皆

秦官又期門羽林皆屬焉百官表

掾光祿勳于永舉王嘉為掾

主事張安世為光祿勳郎醉主事白行法

大夫

大夫掌論議有太中大夫中大夫諫大夫皆無員多

至數十人武帝元狩五年初置諫大夫秩比八百石

太初元年更名中大夫為光祿大夫秩比二千石太

中大夫秩比千石如故百官表

博士光祿大夫夏侯勝

郎

郎掌守門戶出充軍騎有議郎中郎侍郎郎中皆無



員多至千人議郎中郎秩比六百石侍郎比四百石

郎中比三百石中郎有五官左右三將秩皆比二千

石郎中有車戶騎三將秩皆比千石百官表如淳曰主車曰車郎主

戶衛曰戶郎漢儀注郎中令主郎中左右車將主左右車郎左右戶將主左右戶郎也

外郎惠紀外郎滿六歲賜爵二級蘇林曰外郎散郎也

郎署長馮唐為郎中署長師古曰為郎中而為郎署之長爰盎傳上幸上林郎署長布

席引卻慎夫人坐

車郎藝文志車郎張豐如淳曰主車曰車郎

輦郎劉

戶衛功臣表郭蒙

騎郎將王吸李廣師古曰為騎郎之將主騎郎

郎中騎千人功臣表斬疆

謁者

謁者掌賓讚受事員七十人秩比六百石有僕射秩

比千石百官表

期門

期門服虔曰與期門下以微行後遂以名官掌執兵送從武帝建元三

年初置比郎無員多至千人有僕射秩比千石平帝

元始元年更名虎賁郎置中郎將秩比三千石百官表師

古曰賁與奔同言如猛獸之奔

給事期門 功臣表 董忠

羽林

羽林 師古曰言其如羽之疾如林之多 掌送從次期門武帝太初元

年初置名曰建章營騎後更名羽林騎又取從軍死

事之子孫養羽林官教以五兵號曰羽林孤兒羽林

有合丞宣帝合中郎將騎都尉監羽林秩比二千石

百官表

羽林黃頭郎 鄧通

僕射

僕射秦官自侍中尚書博士郎皆有古者重武官有

主射以督課之軍屯吏駟宰永巷宮人皆有取其領

事之號 百官表孟康曰皆有僕射隨所領之事以為號也若軍屯吏則曰軍屯僕射永巷則曰永

巷僕射

衛尉

衛尉秦官掌宮門衛屯兵 師古曰漢舊儀云衛尉寺在宮內胡廣云主宮闕門

內衛士於周垣不為區廬區廬若今之伏宿屋 有丞景帝初更名中大夫合

後元年復為衛尉屬官有公車司馬衛士旅賁三令

丞 師古曰漢官儀云公車司馬掌殿司馬門夜微宮中天下上事及闕下凡所徵召皆總領之合秩六

百石旅賁也賁與奔同言為奔走之任也 衛士三丞又諸屯衛候司馬二

十二宮皆屬焉長樂建章甘泉衛尉皆掌其宮職畧

同不常置 百官表

未央衛尉 李廣

長樂司馬 律歷志長樂司馬可徐天麟按長樂宮四面皆有公車司馬門每門各二

司馬此即八屯司馬之一也

衛司馬 谷吉鄭吉

衛候 馮奉世

長樂屯衛司馬 馮遂

長樂戶將 儒林傳尹更始

建章監 衛青李陵

給事建章 衛青

公車大誰卒 五行志公車大誰卒注云大誰長令在司馬殿門衛士之帥也

執楯 功臣表孔叅

執戟

武士 以上並惠紀應劭曰高祖使武士縛韓信是也

騶 惠紀師古曰本廢之馭者後又合為騎因謂騶騎也東方朔給騶侏儒

太僕

太僕秦官掌輿馬有兩丞屬官有大廄未央家馬 古師

日家馬者主供天子私用非大祀戎事軍國所須故謂之家馬也 三令各五丞一尉

又車府路輪騎馬駿馬四令丞又龍馬閑駒橐泉駒

駮丞華五監長丞又邊郡六牧師苑令 師古曰漢官儀云牧師諸

苑三十六所分布北邊西邊分養馬三十萬匹各三丞又牧橐師古曰牧橐言牧養駝也

昆蹏應劭曰昆蹏好馬名也蹏音蹄令丞皆屬馬中太僕掌皇太后

輿馬不常置也武帝太初元年更名家馬為桐馬音

徒孔反應劭曰主乳馬取其汁桐治之味酢可飲初置路軫百官表

駿馬監傅介子

平樂監傅介子

移中監蘇武師古曰移中殿名如淳曰移園之中馬廄

家車吏齊受師古曰主漢王之家車非軍國所用見功臣表

廢司御夏侯嬰為沛廢司御

農官食貨志武帝水衡少府太僕大農各置農官

廷尉

廷尉秦官掌刑辟有正左右監秩皆千石景帝中六

年更名大理武帝建元四年復為廷尉宣帝地節三

年初置左右平秩皆六百石哀帝元壽二年復為大

理王莽改曰作士百官表又宣紀地節三年初置廷尉平四人

廷尉史張湯傳湯為廷尉請博士弟子治尚書春秋補廷尉史又路溫舒以奏曹掾守

廷尉史于定國以郡次曹補廷尉史

奏曹掾路溫舒傳廷尉光以溫舒署奏曹掾

奏讞掾廷尉湯以兒竟為奏讞掾

掾廷尉湯以從史兒寬為之

從史

師古曰只隨官僚不主文書

廷尉文學卒史

以上並見寬傳寬以掌故功次補卒史

書佐

薛宣少為廷尉書佐

大鴻臚

典客秦官掌諸侯歸義蠻夷有丞景帝中六年更名

大行令武帝太初元年更名大鴻臚

應劭曰郊廟行禮讚九賓鴻臚

臚傳屬官有行人譯官別火三令丞

如淳曰漢儀注別火獄令官主

治改火及郡邸長丞武帝太初元年更名行人為大

行令初置別火王莽改大鴻臚曰典樂初置郡國邸

屬少府中屬中尉後屬大鴻臚

百官表

主客

金曰碑傳成帝時金岑為主客服虔云主胡客屬大鴻臚

大鴻臚文學

平當治禮丞功次補文學

大行治禮

王莽傳公賓就故大行治禮

大行治禮丞

平當

大行卒史

儒林傳

宗正

宗正秦官掌親屬有丞平帝元始四年更名宗伯屬

官有都司空令丞

如淳曰律司空主水及罪人賈誼曰輸之司空編之徒官

長丞

師古曰律歷志主分寸尺丈也

又諸公主家令門尉皆屬焉王

莽并其官於秩宗初內官屬少府中屬主爵後屬宗

正百官表

主傳東方朔傳昭平君醉殺主傳

中府東方朔傳館陶公主中府師古曰中府掌金帛之藏

舍人周長孺師古曰舍人家人也主家事者也見藝文志

大司農

治粟內史秦官掌穀貨有兩丞景帝後元年更名大

農令武帝太初元年更名大司農屬官有大倉均輸

平準都內籍田五令丞幹官如淳曰幹音莞或作幹幹主均輸之事所謂幹

鹽鐵而權酒酤也鐵市兩長丞又郡國諸倉農監都水六十

五官長丞皆屬焉驂粟都尉武帝軍官不常置王莽

改大司農曰羲和後更為納言初幹官屬少府中屬

主爵後屬大司農百官表

大司農中丞管諸會計事食貨志下桑宏羊

大司農部丞食貨志桑宏羊請置大農部丞數

置大司農部丞十三人

大司農史蕭望之傳李宮

大司農斗食屬薛宣

治粟都尉食貨志桑宏羊為治粟都尉領大農盡幹天下鹽鐵

農官食貨志武帝水衡少府太農太僕各置農官

稻田使者昭紀元鳳元年假稻田使者燕倉

權酷官

昭紀始元六年罷權酷官

少府

以上九卿

少府秦官掌山海池澤之稅以給共養

應劭曰名曰禁錢以給私

養自別為藏師古曰大司農供軍國之用少府以養天子也

有六丞屬官有尚書

符節太醫太官湯官導官

師古曰太官主膳食湯樂官主餅餌導官主擇米

府若廬

如淳曰若廬主藏兵器

考工室

臣瓚曰主作器械

左弋

甘泉居室左右司空東織西織東園匠

師古曰東園匠主作陵內

器十六官令丞又胞人

師古曰胞人主掌宰割者也胞與庖同

都水均

官三長丞又上林中十池監又中書謁者黃門鉤盾

尚方御府

師古曰鉤盾主近苑園尚方主作禁器物御府主天子衣服也

永巷內者

官者八官令丞諸僕射署長中黃門皆屬焉武帝太

初元年更名考工室為考工左弋為佽飛居室為保

宮甘泉居室為昆臺永巷為掖廷佽飛掌弋射有九

丞兩尉大官七丞昆臺五丞樂府三丞掖廷八丞宦

者七丞鉤盾五丞兩尉成帝建始四年更名中書謁

者令為中謁者令初置尚書員五人有四丞河平元

年省東織更名西織為織室綏和二年哀帝省樂府

王莽改少府曰共工

百官表

蕭望之領尚書事建白以為尚書百官之本國

家樞機宜以通明公正處之武帝游宴後庭故

用宦者非古制也宜罷中書宦官應古不近刑

人元帝不聽本傳

成帝建始四年春罷中書宦官臣瓚曰漢初中

孝武加中謁者令為中書謁者令置僕射宣帝時任中書官宏恭為令石顯為僕射元帝即位

數年恭死顯代為中書令專初置尚書員五人

權用事至成帝乃罷其官師古曰漢舊儀云尚書四人為四曹常侍尚書

主丞相御史二千石尚書主刺史二千石事

戶曹尚書主庶人上書事主客尚書主外國事

成帝置五人有三公曹主斷獄事並見本紀

尚書郎史記侯者年表王遷宋百

尚書御史藝文志云西漢舊置四人

給事尚書張安世為郎用善書給事尚書

尚符璽郎霍光傳

太醫監外戚傳

侍醫藝文志侍醫李柱國校方書師古曰侍天子之醫

太官獻食丞陳湯

太官獻丞張湯傳張勃舉太官獻丞陳湯蘇林曰主貢獻物也

食監霍光傳昌邑王詔太官趣具亡闕食監

尚食惠紀

尚席周亞夫傳漢儀注省中有五尚曰尚食尚冠尚衣尚席尚帳後遂省并尚食於大官

樂府音監樂府音監景武孟康曰音監主樂人也



樂府游徼

師古曰樂府之游徼名莽

令史

以上並張湯傳

東織室令史

宣帝紀張敖

中書僕射

石顯

黃門倡

藝文志車忠

倡監

東方朔傳

馬監

金曰碑

黃門駙馬

蘇武傳宦騎與黃門駙馬爭船師古曰天子駙馬之在黃門者也

狗監

蜀人楊得意為狗監師古曰主天子田獵犬

給事狗監

並李延年傳

鉤盾冗從

藝文志李步昌

尚方待詔

郊祀志下

掖庭獄丞

趙后傳籍武

掖庭牛官令

趙后傳

掖庭戶衛

許后傳

少內嗇夫

丙吉傳注云掖庭主府藏之官

暴室丞

一作薄室師古曰掖庭主織作染練之署三輔黃圖謂之暴室取暴曬為名耳

有嗇夫官屬見宣紀

暴室嗇夫

宣紀許廣漢女

農官

食貨志武帝水衡少府皆置農官

中謁者

高紀封中謁者張釋卿為列侯如淳曰灌嬰為中謁者後常以闔人為之諸官

加中者多闔人也

中涓

曹參傳令以中涓從如淳曰中涓如中謁者也師古曰涓潔也言其在內主知潔清

灑掃之事蓋親近左右也

協律都尉

李延年

海丞

平紀元始元年置師古曰主海稅

果丞

平紀元始元年置師古曰掌諸果實

採珠王金銀之官

貢禹傳

執金吾

中尉秦官掌徼循京師有兩丞候司馬千人武帝太

初元年更名執金吾

師古曰金吾鳥名也主辟不祥天子出行主先導以禦非常故

執此鳥之象

屬官有中壘寺互武庫都船四令丞都船武

庫有三丞中壘兩尉又式道左右中候候丞及左右

京輔都尉尉丞兵卒皆屬焉初寺互屬少府中屬主

爵後屬中尉自太常至執金吾秩皆中二千石丞皆

千石

百官表

備盜賊中尉

史記淮南王傳備盜賊中尉臣福

都船獄吏

薛宣

將作大匠

將作少府秦官掌治宮室有兩丞左右中候景帝中

六年更名將作大匠屬官有石庫東園主章左右前後中校七令丞又主章長丞武帝太初元年更名東園主章為木工成帝陽朔三年省中候及左右前後中校五丞百官表

典屬國

典屬國秦官掌蠻夷降者武帝元狩三年昆邪王降復增屬國置都尉丞候千人屬官九譯令成帝河平元年省并大鴻臚百官表

武帝元狩三年匈奴昆邪王殺休屠王并將其眾合四萬餘人來降置五屬國以處之本紀師古曰凡

言屬國者存其國號而屬漢故曰屬國

安定三水

天水士勇

上郡龜茲

西河美稷

五原蒲澤

以上並屬國都尉治地理志

宣帝神爵二年置金城屬國以處降羌

五鳳三年置西河北地屬國以處匈奴降者並宣紀

水衡都尉

水衡都尉武帝元鼎二年初置掌上林苑有五丞屬官有上林均輸御羞禁圃輯濯鍾官技巧六廩辨銅

九官令丞如淳曰御羞地名也在藍田其土肥沃多出御物可進者揚雄傳謂之御宿三輔黃圖御羞宜春苑名也輯濯船官也鍾官主鑄錢官也辨銅主分別銅之種類也師古曰御宿即今長安城南御宿川也不在藍田羞宿聲相近故或云御羞或云御宿耳羞者珍羞所出宿者止宿之義輯讀與楫同音集濯音直孝反皆所以行船也漢舊儀云天子六殿未央承華駒駉馬駘駘大殿也馬皆萬匹據此表太僕屬官有大殿未央駘駘駘駘馬駘駘丞華而水衡又云六殿技巧官是則技巧之徒供大殿者其官別又衡官水司空都水農倉又甘泉上林都屬水衡也

水七官長丞皆屬焉上林有八丞十二尉均輸四丞

御羞兩丞都水三丞禁圃兩尉甘泉上林四丞成帝

建始二年省技巧六殿官王莽改水衡都尉曰予虞

初御羞上林衡官及鑄錢皆屬少府百官表

虎圈嗇夫張釋之傳

輯濯士劉屈氂傳師古曰主用輯及濯行船者也

農官食貨志武帝水衡少府皆置農官

領護三輔都水息夫躬劉向又馮參領護左馮翊都水

西漢會要卷三十一

西漢會要卷三十二

宋 徐 天 麟 撰

職官二

宮官

詹事

詹事秦官 應劭曰詹省也給也臣瓚曰茂陵書詹事秩真二千石 掌皇后太子

家有丞 師古曰皇后太子各置詹事隨其所在以名晏 屬官有太子率更家

令丞僕中盾衛率廚廩長丞 張晏曰太子稱家故曰家令臣瓚曰茂陵中書

太子家令秩八百石應劭曰中盾主周衛徹道秩四百石如淳曰漢儀注衛率主門衛秩千石師古曰掌

知漏刻故曰率更自此以上 又中長秋私府永巷倉

廢祠祀食官令長丞諸宦官皆屬焉師古曰自此以上皆皇后之官

成帝鴻嘉三年省詹事官并屬大長秋百官表師古曰省皇后詹

事總屬長秋也

中廢令功臣表戴敬侯祕彭祖以中廢令擊陳豨戾太子傳注云中廢皇后車馬所在

中御府令霍光傳中御府令高昌又谷永傳願減中御府用度

中少府百官表韓勳師古曰皇后官

舍人功臣表成陰侯周信為呂后舍人

長信詹事

長信詹事掌皇太后官景帝中六年更名長信少府

平帝元始四年更名長樂少府百官表張晏曰以太后所居宮為名也居

長信宮則曰長信少府居長樂宮則曰長樂少府也

哀帝即位尊定陶太后曰共皇太后丁姬曰共

皇后各置左右詹事本紀徐天麟按詹事置左右始於此

建平二年尊傅太后為皇太后稱永信宮丁

太后為帝太后稱中安宮而成帝母太皇太后

本稱長信宮成帝趙后為皇太后並四太后各

置少府太僕秩皆中二千石外戚傳

中太僕掌皇太后輿馬百官表

長信太僕王莽傳長信太僕閔徐天麟按此官即哀帝所置四太僕之一也

長樂衛尉百官表

長樂長御 王莽傳上

長信庭林表 敘傳師古曰材表官名長信宮庭之林表孟康曰婦人之官也

太公家令 高紀

太公僕 史記功臣表祕彭祖

大長秋

將行秦官 應劭曰皇景帝中六年更名大長秋 師古曰秋

者收成之時長者常久之義故以為皇后官名 或用中人或用士人 百官表

太子太傅少傅

太子太傅少傅古官屬官有太子門大夫 應劭曰員五人秩六

百石庶子應劭曰員五洗馬張晏曰員十六人秩比謁

先舍人百官表

太子中庶子 史丹金敞皆為之徐天麟按鄒陽傳奏任中庶子蒙恬扁鵲傳號有

中庶子則六國時已有此官沈約云漢置六典云秦官皆非是也

太子御驂乘 惠紀

護太子家 史丹傳

軍官

大將軍

高帝拜韓信為大將軍 本傳

景帝拜竇嬰為大將軍 本傳

武帝以衛青為大將軍 史記汲黯傳

元狩四年置大司馬位大將軍票騎將軍皆為大司馬霍去病傳按後漢志云初武帝以衛青數征伐有功為大將軍欲尊寵之以古尊官唯有三公諸將軍始自秦晉以為卿號故置大司馬官號以冠之其後霍光王鳳等皆然

莫府

大將軍長史丙吉自軍市令遷

大將軍軍中司馬王鳳奏請王尊補

莫府校尉霍光擅調益莫府校尉

大將軍從事中郎王鳳奏以陳湯為之

大將軍軍監匈奴傳上治眾等四人

大將軍史律歷志詔大將軍史雜候清臺

給事大將軍莫府蔡義

票騎將軍史記作剽騎

武帝元狩四年置大司馬位大將軍票騎將軍皆為大司馬定令票騎將軍秩祿與大將軍等霍去病傳

莫府

票騎將軍司馬趙破奴

鷹擊司馬霍去病傳趙破奴

票姚校尉霍去病為之荀悅漢紀作票鷲

驃騎將軍史藝文志朱宇

車騎將軍



高帝八年遷靳歙為車騎將軍本傳

宣帝地節三年拜張安世為大司馬車騎將軍領尚

書事數月罷車騎將軍屯兵更為兩宮衛尉城門北

軍兵屬焉張安世傳

車騎將軍王音以外親宜典兵馬入為將軍元后傳

莫府

車騎將軍長史趙充國由中郎遷

車騎都尉韓昌夫馮唐拜車騎都尉主車尉及郡國車士

從事中郎大司馬車騎將軍王音踵故選置從事母將隆

車騎將軍市令丙吉

車騎將軍掾王翬表奏云敞為掾

車騎將軍千人王莽傳上扈雲師古曰千人官名屬車騎將軍

衛將軍

山都貞侯王恬啟以衛將軍擊陳豨功臣表

文帝即位拜宋昌為衛將軍領南北軍二年罷衛將

軍本紀

張安世拜大司馬車騎將軍領尚書事數月更為衛

將軍本紀

莫府

衛將軍舍人史記田叔傳衛將軍舍人百餘人田仁以壯健為衛將軍舍人

衛將軍掾蕭由

前後左右將軍

前後左右將軍皆周末官秦因之位上卿金印紫綬漢不常置或有前後或有左右皆掌兵及四夷有長

史秩千石百官表

莫府

右將軍史律歷志詔右將軍史雜候清臺

列將軍別將并莫府附

上將軍高后七年以趙王呂祿為上將軍見本紀

游擊將軍功臣表高帝初陳豨為游擊將軍別定伐

復土將軍文紀後七年張武為復土將軍如涪日主穿廣實壅事

將屯將軍文紀後七年合屬國悍為將屯將軍

復土都尉哀帝崩蕭由為復土都尉元后崩原涉守復土都尉

驍騎將軍武紀元光二年李廣

驍騎都尉功臣表齊受驍騎都尉又史記功臣表董忠為臬騎都尉

護軍將軍韓安國傳元光二年為護軍將軍諸將皆屬

輕車將軍武紀元光二年公孫賀為輕車將軍

輕車都尉

材官將軍武紀元光二年太中大夫李息為材官將軍

騎將軍武紀元光六年騎將軍公孫敖出代下文云代郡將軍

伏波將軍 元鼎五年路博德為

伏波司馬 功臣表 蘇宏

樓船將軍 元鼎五年楊僕為樓

戈船將軍 武紀元鼎五年歸義越侯嚴為戈船將軍

下瀨將軍 武紀元鼎五年

橫海將軍 武紀元鼎六年

橫海校尉 東粵傳橫

浮沮將軍 武紀元鼎六年

匈奴將軍 武紀元鼎六年

十二部將軍 武紀元封二年詔曰朕將巡邊

拔胡將軍 元封四年郭

中將軍 公孫敖以中將軍從大

因杆將軍 太初元年公孫敖見本紀服虔

貳師將軍 太初元年李廣利為貳師將軍期至

執馬校尉 武帝拜習馬者二

驅馬校尉 見

浚稽將軍 武紀太初二年趙破奴應

疆弩將軍 李沮以左內史為

疆弩將軍長史 韓延壽請嚴

疆弩都尉 路博德傳

度遼將軍 昭紀元鳳三年以中郎將范明友為度遼將軍應劭曰當度遼水往擊烏桓故以為號

虎牙將軍 宣紀本始二年田順

蒲類將軍 宣紀本始二年趙充國晉灼曰匈奴傳有蒲類澤

祁連將軍 宣紀本始二年田廣明應邵曰祁連匈奴中山名也

破羌將軍 宣紀神爵元年辛武賢

護羌將軍 見王尊傳

護羌將軍轉校尉 師古曰為校尉主轉運事而屬護羌將軍也王尊為之

奮威將軍 元紀永光二年以太常任千秋為奮威將軍馮奉世傳作奮武將軍未詳孰誤

建威將軍 史記將相年表永光二年韓次君為建威將軍

步兵將軍 平帝元始五年執金吾王駿見百官表下

文成將軍 武帝元狩中拜少翁文成將軍見封禪書

五利將軍 封禪書元鼎四年拜樂大為五利將軍得四印佩天士將軍地士將軍大通將軍印

天士將軍 見上

地士將軍 見上

大通將軍 見上

天道將軍 封禪書天子又刻玉印曰天道將軍使使立白茅上五利亦立白茅上天道者且為

天子道天神也

別將

重將 功臣表南安侯宣虎以重將破臧荼侯師古曰主將領輜重也

殿將

功臣表留侯張良以殿將起下邳

城將

功臣表東武侯郭蒙入為漢城將師古曰將築城之兵

右林將

功臣表漢三年宋子惠侯許惲用趙右林將初擊定諸侯師古曰猶言羽林之將

弩將

功臣表清簡侯室中同以弩將初起從入漢

總莫府

軍正

西南夷傳軍正王平百官表軍正陽咸延為少府

軍正丞

胡建傳天漢中建守軍正丞師古曰南北軍各有軍正正又置丞

都尉

蕭何傳上令卒五百人一都尉為何衛爰盎傳吳王使一都尉以五百人圍守盎

長鉞都尉

功臣表周竈史記作長鉞

軍門都尉

周亞夫傳

校司馬

趙充國傳諸校司馬

輕騎校尉

衛青傳郭成

營軍司馬

谷永傳車騎將軍音請谷永補營軍司馬

軍司馬

楊敞給事大將軍莫府為軍司馬本傳

左司馬

孔叅以左司馬入漢

右司馬

陳胥以右司馬擊項籍

騎司馬

王虞人以騎司馬從

車司馬

王競以車司馬從以上功臣表

軍司空

杜延年補軍司空蘇林曰主獄官也

軍司空令 前將軍增奏  
馬奉世為之

連敖 韓信歸漢為連敖  
李奇曰楚官名

軍候假丞 陳湯傳  
杜勳

軍吏舍人 馮唐傳魏尚  
饗軍吏舍人

軍武庫令 王鳳奏請杜欽為  
大將軍軍武庫令

門尉 功臣表芒侯彤詔  
以門尉初起陽

壘尉 主壘壁  
之事

軍匠 梧侯陽城延以軍  
匠從功臣表下同

職志 沛公以周昌為職志  
應劭曰掌主職也

駢騎 功臣表許益以駢騎從師古曰二  
駢騎馬曰駢駢謂並兩騎為軍翼也

說衛 許益以說衛入漢師古曰說讀  
曰稅謂軍行初舍止之時為衛

隊率 申屠嘉傳材  
官遷為隊率

隊史 棘邱侯襄以  
執盾隊史從

執矛 中邑貞侯朱進以  
執矛從並功臣表

護軍都尉

護軍都尉秦官武帝元狩四年屬大司馬成帝綏和  
元年居大司馬府比司直哀帝元壽元年更名司寇

平帝元始元年更名護軍 百官  
表

護軍中尉 高帝拜陳平護軍中尉  
使盡護諸將見本傳

護軍射師 藝文志  
王賀

司隸校尉

司隸校尉周官武帝征和四年初置持節從中都官徒千二百人捕巫蠱督大姦猾後罷其兵察三輔三河宏農元帝初元四年去節成帝元延四年省綏和二年哀帝復置但為司隸冠進賢冠屬大司空比司直百官表

從事鮑宣傳

掾趙后傳司隸解光遣從事掾業史掎

史趙后傳見上

假佐王尊傳假佐放

城門校尉

城門校尉掌京師城門屯兵有司馬十二城門候百官表

表又劉屈氂傳云武帝征和二年以太子在外始置屯兵長安諸城門

領城門兵孔光為太師領城門兵王音為特進領城門兵置莫府得舉吏如將軍

城門令史王莽傳王興者故城門令史

八校尉中壘屯騎步兵越騎長水胡騎射聲虎賁

中壘校尉掌北軍壘門內外掌西域師古曰掌北軍壘門之內而又

外掌西域屯騎校尉掌騎士步兵校尉掌上林苑門屯兵

越騎校尉掌越騎如清曰越人內附以為騎也晉灼曰取其材力超越也師古曰宣紀

言伏飛騎士胡越騎又此有胡騎校尉如說是長水校尉掌長水宣曲胡騎

師古曰長水胡名也宣曲又有胡騎校尉掌池陽胡

觀名胡騎之屯於宣曲者師古曰胡騎之屯池陽者也射聲校尉掌待詔射聲士

騎不常置屯池陽者也射聲校尉掌待詔射聲士

服虔曰工射者也冥冥中聞聲則中之因以虎賁校

尉掌輕車凡八校尉皆武帝初置有丞司馬自司隸

至虎賁校尉秩皆二千石百官表徐天麟按中壘校尉掌北軍則知八校皆北

軍也東都五營即八校之併省者而後書每

有北軍五校之稱則八校屬北軍又明矣

監北軍使者劉屈氂傳任安又史記云武帝使任安護北軍

北軍錢官史記任安答辱北軍錢官

西域都護

西域都護加官宣帝地節二年初置以騎都尉諫大

夫使護西域三十六國有副校尉秩比二千石丞一

人司馬候千人各二人百官表又西域傳云都護治烏壘城去陽關二千七百三

里十八

揚威白虎合騎之校陳湯斬郅支益置揚威白虎合騎之校見本傳

屯田校尉西域傳云武帝通西域而軫臺渠犁皆置屯田卒數百人置使者校尉領護

以給使外國者至宣帝置都護匈奴益弱不得

近西域於是徙屯田於北胥鞬莎車之地屯田

校尉始屬都護

渠犁田官西域傳即謂屯田校尉

北假田官元紀初元五年罷北假田官

伊循都尉西域傳元鳳四年立尉屠耆為樓蘭上更名其國為鄯善王請曰國中有

西漢書卷三十一

七



伊循城願漢遣一將屯田積穀令臣得依其威  
重於是漢遣司馬一人吏士四十人田伊循以  
鎮撫之其後更置都尉伊循官置始此矣

司馬

見上

護宛使者

大司馬音薦長  
史谷永為之

戊己校尉

西域傳元帝置戊己校尉屯田車師前王庭

戊己校尉元帝初元元年置有丞司馬各一人候五

人秩比六百石

百官表師古曰甲乙丙丁庚辛壬癸皆有正位唯戊己寄治耳今所置校尉亦無常居故取戊己為名也有戊校尉有己校尉

一說戊己居中鎮撫四方今所置校尉亦處西域之中撫諸國也

戊己校尉史

王莽傳中陳良終帶

奉車都尉駙馬都尉

奉車都尉掌御乘輿車駙馬都尉掌駙馬皆武帝初

置秩比二千石

百官表師古曰駙副馬也非正駕車皆為駙馬一日駙近也疾也

西漢會要卷三十三

宋 徐 天 麟 撰

職官三

三輔

京兆尹

師古曰京大也兆者眾數言大衆所在

內史周官秦因之掌治京師景帝二年分置左內史右內史武帝太初元年更名京兆尹屬官有長安市廚兩令丞又都水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆屬焉

百官表

長安游徼獄吏秩百石 趙廣漢傳

左馮翊 張晏曰馮輔也翊佐也

見上京兆尹條

司東市令 貨殖傳

左馮翊二百石卒史 黃霸入穀補此官

右扶風

主爵中尉秦官掌列侯景帝中六年更名都尉武帝太初元年更名右扶風治內史右地屬官有掌畜令丞又有都水鐵官殿廡廚四長丞皆屬焉與左馮翊京兆尹是為三輔皆有兩丞列侯更屬大鴻臚元鼎

四年更置三輔都尉都尉丞各一人 百官表又元帝紀建昭三年分三輔都尉秩皆二千石

郡國

諸侯王國

諸侯王高帝初置金璽蓋綬掌治其國有太傅輔王內史治國民中尉掌武職丞相統眾官羣卿大夫都官如漢朝景帝中五年令諸侯王不得復治國天子為置吏改丞相曰相省御史大夫廷尉少府宗正博士官大夫謁者郎諸官長丞皆損其員武帝改漢內史為京兆尹中尉為執金吾郎中令為光祿勳故王

國如故損其郎中令秩千石改太僕曰僕秩亦千石  
成帝綏和元年省內史更令相治民如郡太守中尉  
如郡都尉百官表

成帝綏和中何武為御史大夫司空與丞相方進共

奏言往者諸侯王斷獄治政內史典獄事相總綱紀

輔王中尉備盜賊今王不斷獄與政師古曰與中尉

官罷職并內史郡國守相委任所以壹統信安百姓

也今內史位卑而權重威職相踰不統尊者難以為

治臣請相如太守內史如都尉以順尊卑之序平輕

重之權制曰可以內史為中尉何武傳

景遭七國之難抑損諸侯減黜其官武有衡山淮南  
之謀作左官之律諸侯王表應劭曰人道上下右舍天子而仕諸侯故謂之左官也

相掾梁平王襄傳

舍人高五王傳魏勃為齊舍人

從史爰盎傳

內史丞藝文志河間內史丞王定

內史掾廣川王傳

侍御史太倉公傳齊侍御史成

太中大夫百官表薄昭

中大夫太倉公傳齊中大夫病齟齬

中郎曹將

梁王立傳

中郎

伍被為淮南中郎

侍郎

王尊傳

衛士長

昌邑王傳

廢長

王尊傳

太倉長

史記倉公傳齊太倉長涪于意

宰人

龔遂傳昌邑王嘗與駟奴宰人游戲

私府長

路溫舒遷廣陽私府長師古曰藏錢之府天子曰少府諸侯曰私府

中御府長

魯王發中府錢師古曰中府王之財

物藏也

中謁者

東平王傳中謁者信

黃門郎

師丹傳段猶

大官令

燕王旦傳

食官長

梁王襄傳

尚食監

馮唐傳高祛

永巷長

太倉公傳

宦者

齊王肥傳

中傅

武紀濟川王明坐射殺其太傅中傅廢應劭曰中傅宦者也文三王傳作中尉與紀

不同

醫工長

燕王旦傳

太醫太倉公傳

侍醫太倉公傳

尚方郊祀志欒大注云主藥方

少史河間王怒少史留貴

侍中霍光傳昌邑王書問侍中君卿

常侍楚王聘龔舍為常侍

長史梁平王傳曰欲以傷梁長史

司馬司空太倉公傳齊淳于司馬北宮司空

太子師傅吳王濞傳

大將軍吳王濞傳田祿伯為大將軍

將軍齊王襄以魏勃為將軍丁寬為梁孝王將軍

關內侯霍光傳姊夫昌邑關內侯

左右閣都尉太倉公傳齊左右閣都尉

大與功臣表關氏節侯馮解散以代大與降為鴈門守師古曰大與主爵祿之官

冗從枚臯為梁王使與冗從爭師古曰冗職之從王者也

內官

夫人廣川王傳明正夫人修靡夫人乘華夫人

美人淮南王傳令故美人材人得幸者從居

材人見上

八子高五王傳以合置八子秩比六百石

孺子

中山哀王傳

家人子

外戚傳

永巷僕射

廣川王傳使其大婢為僕射主永巷

異姓諸侯王

漢亡尺土之階繇一劍之任五載而成帝業書傳所

記未嘗有焉故據漢受命譜十八王訖于孝文異姓

盡矣

異姓諸侯王表

昔高祖定天下功臣異姓而王者八國張耳吳芮彭

越黥布臧荼盧縮與兩韓信

本贊

高后欲立諸呂為王問王陵陵曰高皇帝刑白馬而

盟曰非劉氏而王者天下共擊之今王呂氏非約也

太后不說問左丞相平及絳侯周勃等皆曰高帝定

天下王子弟今太后稱制欲王昆弟諸呂無所不可

太后喜罷朝陵讓平勃曰始與高帝啜血而盟諸君

不在邪今高帝崩太后女主欲王呂氏諸君縱欲阿

意背約何面目見高帝於地下乎平曰於面折廷爭

臣不如君全社稷安劉氏後君亦不如臣陵無以應

之

王陵傳

西楚霸王項籍都彭城漢五年誅徙韓信為楚王六

年廢為侯

衡山王吳芮都邾漢五年芮徙長沙

臨江王共敖都江陵漢三年八月子尉嗣為王五年

十二月漢虜尉

九江王英布都六漢二年十二月降漢四年漢立布

為淮南王十一年布反誅

趙王張耳都襄國漢元年九月耳降漢十月代王歇

還王趙二年十月漢滅歇三年十一月漢復立張耳

為趙王五年耳薨子敖嗣為王八年敖廢為侯

代王趙歇都代漢元年十月徙歇王趙以陳餘為代

王號成安君二年十一月屬漢為太原郡五年以太

原為國王韓信九月反降匈奴

齊王田都都臨菑漢元年四月降楚田榮為齊王十

二月項籍擊殺榮立故齊王田假為齊王二年二月

田榮弟橫擊殺假立田榮弟廣為齊王三年十一月

漢將韓信擊殺廣屬漢為郡四年置齊國王韓信五

年徙王楚立濟北王田安都博陽漢九年六月田榮

擊殺安屬齊膠東王田市都即墨漢元年五月田榮

擊殺市屬齊

雍王章邯都廢邱漢二年英殺邯屬漢為中地隴西

北地郡



塞王司馬欣都櫟陽漢元年七月降漢爲渭南河上郡翟王董翳都高奴漢元年七月降漢爲上郡

燕王臧荼都薊漢四年九月反誅荼後九月盧綰爲燕王十一年反降匈奴

遼東王韓廣都無終漢元年臧荼擊殺廣屬燕

魏王魏豹都平陽漢二年豹降漢爲王從漢伐楚四月歸畔漢八月韓信擊虜豹屬漢爲河東上黨郡

殷王司馬卬都朝歌漢二年二月降屬漢爲河內郡韓王韓成都陽翟漢元年六月項籍誅成立鄭昌爲韓王十月漢立韓信爲韓王六年信徙太原

河南王申陽都雒陽漢元年九月降屬漢爲河南郡

長沙王吳芮漢五年二月立六月薨成王臣嗣傳至

靖王產無嗣國除

魯王張偃高后元年四月以外孫立八年爲侯

淮陽王呂彊高后元年四月立五年薨六年壺關侯

武立八年以非孝惠子誅

常山王呂不疑高后元年四月立二年薨襄城侯義

立四年立爲帝軹侯朝立八年以非惠帝子誅

呂王呂台高后元年以高后兄子立二年薨子嘉嗣

六年嘉廢十一月王呂產立七年二月產徙梁立爲

梁王八年漢大臣共誅產

燕王呂通高后八年七月立八月誅

梁王呂產高后七年二月立八年誅異姓諸侯王表上同

中大夫黠布傳中大夫賁赫

太宰黠布傳隨何使淮南至太宰主之

部刺史

監御史秦官掌監郡漢省丞相遣史分刺州不常置

武帝元封五年初置部刺史掌奉詔條察州師古曰漢官典

職儀云刺史班宣周行郡國省察治狀黜陟能否斷治寬獄以六條問事非條所問即不省一條疆宗豪

右田宅踰制以疆陵弱以眾暴寡二條二千石不奉詔書遵承典制倍公向私旁招守利侵漁百姓聚斂

為姦三條二千石不郵疑獄風厲殺人怒則任刑喜則淫賞煩擾刻暴剝藪黎元為百姓所疾山崩石裂

誅詳訛言四條二千石選補不苛阿所愛蔽賢寵頑五條二千石子弟持怙榮勢請託所監六條二千

石違公下比阿附豪彊秩六百石員十三人成帝綏通行貨賂割損正令也

和元年更名牧秩二千石哀帝建平二年復為刺史

元壽二年復為牧百官表

郡守

郡守秦官掌治其郡秩二千石有丞邊郡又有長史

掌兵馬秩皆六百石景帝中二年更名太守百官表

郡掾

別駕黃霸傳別駕主簿車緹油屏泥於軾前

主簿朱博傳

書佐朱博傳又王尊補書佐注云律太守書佐十人

功曹鮑宣為都尉太守功曹朱博為亭長遷為功曹

議曹扶風謁請原涉為議曹

賊曹掾薛宣傳賊曹掾張扶通典云主刑罰

決曹掾薛宣傳決曹掾王立又路溫舒補決曹史漢舊儀云決曹主罪法事

賊捕掾張敞傳賊捕掾弔舜師古曰主捕掾

五官掾王尊傳五官掾張輔

門下掾朱博傳門下掾贛遂

門下督游俠傳萬章為京兆尹門下督

郡掾祭酒鮑宣傳薛方嘗為郡掾祭酒

郡文學梅福為郡文學

郡文學史鄭崇為郡文學史

郡文學卒史史記匡衡補平原文學卒史

學經師平紀元始三年立學官郡國立學置經師一人

宗師平紀元始五年郡國置宗師

舍人高紀南陽太守舍人

史陳遵與張竦俱為京兆史注云律太守都尉史各一人

從史陳遵為河南太守遣從史西

諸曹史朱博傳

右曹掾史

朱博傳

太守卒史

張敞尹翁歸並補太守卒史又儒林傳比百石以下補太守卒史

五經百石卒史

儒林傳元帝好儒郡國置五經百石卒史

直符史

王尊傳

獄史

丙吉為魯獄史

獄小吏

尹翁歸為獄小吏

小史

谷永少為長安小史翟方進給事太守府為小史

督郵

田延年徙卒史尹翁歸補督郵又孫寶補侯文東部督郵

督郵掾

馮野王傳督郵掾趙都

督郵書掾

朱博出為督郵書掾所部職辦

都史

文紀二千石遣都史如淳曰律說都史今督郵是也開惠曉事即為文無害都史

少府

文翁減省少府用度師古曰少府郡掌財物之府以供太守者也

守屬

王尊補守屬

給事太守府

咸宣以佐史給事河東守張湯給事內史為冨成掾

司空

陳咸為南陽太守犯法者以律程作司空師古曰司空主作役官

都尉

都尉秦官掌佐守典武職甲卒秩比二千石有丞秩

皆六百石景帝中二年更名都尉

百官表

關都尉秦官農都尉屬國都尉皆武帝初置

百官表

受降都尉

田廣明傳

宜禾都尉地理志

護漕都尉朱博徙為并州

尉史田廣明傳尉史蘇昌漢律近塞置

京兆都尉百里一人 馮翊都尉各二人

扶風都尉右輔 太原都尉廣武

東郡都尉阿都 陳留都尉外黃

汝南都尉女陰 南陽都尉鄧都

南郡都尉夷陵 九江都尉歷陽

清河都尉貝邱 鉅鹿都尉下曲陽

常山都尉南行唐 勃海都尉高城

平原都尉樂陵 千乘都尉蓼城

濟南都尉於陵 泰山都尉盧都

琅邪都尉姑幕 東海都尉費都

山陽都尉單父 沛都尉蘄都

臨淮都尉盱眙 丹陽都尉歙都

會稽都尉錢唐 漢中都尉襄中

豫章都尉新淦 犍為都尉漢陽

廣漢都尉道北 犍為都尉漢陽

越雋都尉定菴 犍為都尉漢陽

金城 宣紀神爵二年置金城屬國呂處降羌又趙充國傳充國西至西部都尉府孟康曰在金城

張掖 日勒都尉治居延都尉治 天水 勇士屬國都尉治滿

安定 參繚主騎都尉治 隴西 臨洮南部

酒泉 會水北部都尉治偃水障又東部都尉

燉煌 燉煌中部都尉治廣侯官廣至宜禾都尉

北地 富平北部都尉治神泉障

上郡 匈奴都尉治塞外匈奴障高望北部都尉

西河 南部都尉治塞外翁龍埤是增山北部都尉治

胡方 西河富平于此為農都尉

五原 東部都尉治柰陽蒲澤屬國都尉治田辟

雲中 陶林東部都尉治原高西部都尉治田辟

定襄 武進西部都尉治武臯中部

雁門 沃陽西部都尉治 上谷 寧西部都尉治女

代郡 高柳西部都尉治且如中部都尉治

漁陽 要陽都尉治 右北平 薺都尉治

遼西 柳城西部都尉治 樂浪 昭明南部

遼東 無慮西部都尉治武次東部

鬱林 領方都尉治 交趾 麓冷都尉治

合浦 朱盧都尉治 九真 無切都尉治

郡國均輸鹽鐵官

武帝元封元年因桑宏羊請置大農部丞數十人分部主郡國各往往置均輸鹽鐵官郡不出鐵者置小鐵官鄧展曰鑄善鐵使屬在所縣食貨志

元帝初元五年罷鹽鐵官永光三年復本紀

千乘郡地理志河東黃霸補河東均輸官

以上並有均輸官

河東安邑太原晉陽

南郡巫鉅鹿堂陽

勃海章武千乘郡

琅邪海曲計斤長廣會稽海鹽

犍為南安蜀臨邛

益州連然巴胸忍

安定三水北地居

上郡獨樂西河富昌

朔方沃桉五原城宜

鴈門樓煩沃陽有長丞漁陽州泉

隴西郡遼西海陽

遼東平郭南海番禺

蒼梧高要東平國

北海都昌壽光

東萊曲城東牟嶷昌陽當利並地理志

以上並有鹽官

京兆鄭

左馮翊夏陽

右扶風雍漆

宏農宜陽池

河東安邑絳皮氏平陽

太原大陵

河內隆慮

南河郡

潁川陽城

汝南西平

南陽宛

廬江皖

山陽郡

沛沛

魏武安

常山都鄉

千乘郡

濟南東平陵臨沂城

泰山嬴

齊臨淄

東萊東牟

東海下邳

臨淮鹽漬堂邑

桂陽郡

漢中沔陽

犍爲武陽南安

蜀臨邛

琅邪郡

漁陽漁陽

右北平夕陽

遼東平郭

隴西郡

膠東郁秩

魯國

楚彭城

廣陵國



中山北平

東平國

城陽莒

涿郡

以上並有鐵官並地理志

列郡別置官

齊三服官

貢禹傳貢禹上疏曰故時齊三服官輸物不過十笥方今齊三服官作工各數十人

一歲費數鉅萬

元帝初元五年罷齊三服官紀本

哀帝即位詔齊三服官諸官織綺繡難成害女紅之

物皆止作無輸紀本

陳留襄

齊臨淄並地理志

以上並有服官

河南郡

南陽宛

濟南東平陵

泰山郡奉高

潁川郡

河內懷

蜀成都

廣漢郡雒並地理志

以上並有工官

雒陽武庫令魏相傳車千秋子為雒陽武庫令

京兆船司空地理志師古曰本主船之官遂以為縣

太原郡桐馬官地理志初名家馬官後改曰桐馬桐音動

遼東郡襄平縣牧師官地理志

上郡庫令

成紀上郡庫令良注云漢官北邊郡庫官兵器所藏故置令

南郡發弩官

地理志師古曰主教放弩

南郡編縣雲夢宮

江夏郡西陵縣雲夢宮

廬江郡樓船官

九江郡陂官

九江郡湖官

丹陽郡銅官

桂陽郡金官

蜀郡嚴道縣木官

巴郡朐忍縣橋官

巴郡魚復縣橋官

南海郡圃羞官

南海郡中宿縣涯浦官

交趾郡羸樓縣羞官

並地理志

北假田官

元紀晉灼曰北假地名

縣令長

縣令長皆秦官掌治其縣萬戶以上為令秩千石至六百石減萬戶為長秩五百石至三百石皆有丞尉秩四百石至二百石是為長吏百石以下有斗食佐

史之秩是為少史大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼循禁賊盜縣大率方百里其民稠則減稀則曠鄉亭亦如之皆秦制也

百官表

### 掾史

縣掾 郭解傳楊季主子為縣掾

門下掾 原涉傳王游公為茂陵門下掾

戶曹掾史 尹賞為長安令部戶曹掾史

縣史 衛青父以縣史給事侯家

令史 項羽傳陳嬰故東陽令史

獄史 于定國為縣獄史

獄小吏 路溫舒求為獄小吏

小史 田廣明傳圍小史

外史 平帝元始元年置外史閭師秩六百石

閭師 見上

校經師 平帝元始三年立學官縣道邑侯國曰校校置經師一人鄉曰庠聚曰序庠序置孝經師

一人

庠序孝經師 見上

功曹 朱博給事縣為亭長稍遷功曹

鄉吏 尹賞部鄉吏亭長里正父老五人

里正

上見

里監門

酈食其為里監門

求盜

高紀應劭曰舊時亭有兩卒一為亭父掌開閉掃除一為求盜掌逐捕盜賊

西漢會要卷三十三

番甲王國瑞校

